

江蘇廣陵古籍刻印社 影印

禮記

第四冊

禮拜六 三十一期



陳

1914

THE SATURDAY
NO. 31

寫情小說 淚珠緣


泉唐 陳楚 偉先 生著 已出 五集

是書爲著名小說家天虛我生泉塘陳蝶仙先生少年得意之作書中運筆用意寫情結構無一不脫胎於紅樓夢而又無一落紅樓夢之科臼紅樓夢中有缺陷是書則皆彌補之於情字上無絲毫遺憾能使普天下才人讀之皆欣然滿意現無上之樂觀至其鋪敘點綴則詩詞酒令更無一不新穎絕倫引人入勝而於音律一道語之尤詳融貫古今實足闡前人未發之秘是尤得未曾有精心結撰洵寫情小說中空前絕後之傑著也全書共百二十回已出五集

初二三四集每集大洋四角

第五集大洋三角

(二) 影攝之章五第驚怖恐



道克洛斯夫人

克 勃

(一) 影攝之章五第驚怖恐



斯 摩 爾 福

名伶劉鴻聲



李陵碑

目

次

二

女子世界徵文啟

近時閨秀工詩詞者尙不乏人獨於古近體文絕鮮作者而駢儷尤如廣陵散矣本社同人深以絕響爲憂爰於另刊女子世界雜誌中特闢散花集一欄徵求閨秀文稿無論今昔名媛莊諧雜作有爲蒐集錄寄本社者當照女子世界徵文條例第三條奉酬每千字分十元八元六元四元二元五等但無照片者仍照第一二條計算每千字分五元四元三元二元一元五等稿內署名須註明籍貫姓名及字通信處則請在稿尾另行署名選列等第當由編輯者於篇末揭曉例如(1)(2)倍酬者作(1)(2)記號此佈

禮拜六第三十一期小說目錄

魚壳外傳.....指嚴

美人之頭.....瘦鵲

藍猿.....延陵

療妬.....半儂

情痴.....葵青

恐怖窟.....科南達里原著
常覺小蝶合編

秘密之府.....太常仙蝶

清穆史
錄異

魚壳外傳

(指嚴)

清雍正初。于清端督兩江。甫下車。卽以捕劇盜魚壳爲令。甲條告洵洵走全省。自官吏以至胥役。莫不難之。其後卒由老胥某縛以見清端。哀簡齊記之。願詳而不才。幼時聞先祖言。則大異。是蓋先曾祖容金陵。識督幕某君。渠言父亦老幕。親睹當時案卷。且悉其秘密之內容。則謂清端出都時。固口銜天憲。專以捕緝此獠爲務者。而其後捕獲時。卽夕遁去。磔於市者。實非真魚壳也。其事至詭秘。然言之鑿鑿。有據絕非杜撰者比。且能詳道魚壳生平。原本殫洽。云得之老吏口中。蕭齋岑寂。搜剔舊聞。因強憶先祖言。錄寫如酒方。

魚壳本山東兗州產。距城三四十里。許曰。獨山村有王姓夫婦。居村尾。年俱逾四十。而無子女。業捕魚。結茅小如閭。飄濱湖。晒網。身在斜陽圖畫中。有時綠蓑青笠。則詠烟波釣徒之斜風細雨詞。不知歲月亦不知理亂。以是老夫婦得魚沽酒。其樂陶陶。頗未擔伯道之戚。一夕王叟對月傾醪。醺然玉山頽矣。卽門外苔磯上臥。髻柳爲帳。癭瓢作枕。閒鷗野鷺飛鳴。趨媚若姬侍。方深領黑甜滋味。如杜老之一臥滄江。驚歲晚。然忽老妻搖之使醒。曰。子不開呱呱聲出。旁近耶靜夜。四無隣安。得有此異物。王叟聞言。亦瞿然側耳。且揉其眼作詫語。曰。異哉。聲乃在網間。立起視之。則繡機錦裾。居然一寧。

馨兒啼聲甚雄狀豐偉王媼大喜曰姑無論其來處卽以爲天賜亦佳遂抱而歸飼以餅餌既晚乃至村中覓乳婦村人皆樂王叟之誠樸願爲之乳且譁然爭以爲天所以報叟之好善因名曰天賜及五六齡乖覺跳盪逾常兒且勇健有力村中兒無敢與角者王叟愛之甚不加抑遏也或勸之入塾王叟乃捐沽酒資以充束脩天賜穎慧過人幾有一目十行之概無何王叟及媼相繼逝天賜僅十齡耳喪葬訖天賜遂廢讀日與村中無賴子弟游父老之與王叟有雅故者咸呼而詰責天賜大慚乘夜遁去自是獨山村中遂無天賜之踪跡而王叟生平網兒異兆時時猶繫人感慨焉晝錦還鄉十年如夢此時獨山村中又喧傳一異事則有少年夫婦乘傳入境僕從如雲徧訪村尾之王叟故廬及老夫婦合窆之墓道自云卽其養子天賜今已歸宗且爲貴胄矣顧不忘舊德因有事南游繞道來此修廬墓村人聞之咸來問訊有富翁某者以所舍館之郡守邑令爭來拜謁天賜因命守令置墓田二百頃擇村中耆舊敦篤者主春秋祭掃守令奉命惟謹居三日始南去當時見者皆能道其衣冠壯偉聲勢煊赫宛如劇中大將軍狀夫人明麗若仙衣飾皆作滿旗宮裝與世俗異異蒼頭婢媼至百數十人所携器皿食物及守令餽贈備極豐腆惟詢爲何官則相戒勿道第知爲貴人公子云云而已

天賜去後。父老之承顧問者。始漸洩其事。謂天賜稍長。自疑非王叟子。因日夜皇皇思一究其底蘊。遂致廢讀。始與無賴子鬪。雞走狗。練習身手。且陰求奇俠。欲爲足跡徧天下之豫備。旣而從游俠少年。至濟南。居半載。無所得。復南下。由徐州至廣陵。漫游紅橋佳麗地。時天賜年已十五。六英姿颯爽。照耀不羣。見者莫不驚異。一日。偕諸少年縱飲青樓。忽有偉丈夫目之。不已。天賜疑其輕薄。意甚惡之。旣出。有蒼頭持刺請天賜往某家。相晤視其刺。殊不相識。諸少年曰。某家者。鹽商之巨擘也。而刺名實某所滿駐防將軍。盍聯絡之以爲資用。取求地。天賜然之。乃往見。則中座者狀如侯王。所謂將軍及鹽商。僅奔走侍從而已。天賜莫測所以。頗疑悚失色。中座者先譚審天賜顏色。失聲曰。果龍種也。一準尤酷肖。乃謂之曰。吾欲挈爾之都中將有所位置。爾願之乎。天賜茫然不知所對。猛憶此卽頃座間之偉丈夫也。抗聲答曰。小子立志欲爲世間第一流人。安能從子作奴隸。中座者遽起謝曰。子金枝玉葉人也。吾安敢以子爲奴隸。但此間尙不宜洩吾秘密。願入都後語之。決不爾欺。天賜始默然。遂別羣少年而北行。

天賜察偉丈夫舉止非尋常官吏比。因大疑之。漸稔部下健兒。始以行狀相告。則實額駙某襲爵將軍也。將軍奉內廷密旨至江南訪查事件。居金陵邗上各月餘。至是始返京覆命耳。天賜大驚。意挈

吾入都將羅織以陷吾罪。抑豪養以造吾福。吉凶俱未可知。顧自問雖游蕩不事生產。亦未嘗有犯網亂禁事。其將何以罪吾。即有所瑕隙已不及察。顧詞氣又不類。若非分之福。吾更有所不受。然則鬱鬱從彼何爲。吾亦欲自由耳。不如逃之一日。約行抵德州界。地方有司奉額駙游某名勝處。天賜未及從。俟鹵簿出躍而起曰。此其時矣。遂挈僕被南道。顧額駙待天賜極優防之亦頗密。此時僕從雖多。從額駙去而留侍天賜者尙數十人。羣起追之。天賜掣佩刀返揮擊殺其近身者。餘人皆辟易。亟奔往告額駙。額駙大驚。親策馬及從騎十人追之。數十里外。天賜以爲將擒已。又傷從騎一人。額駙大呼子實某阿哥也。吾決不害子。千祈勿疑。且苟失阿哥。吾之功名身命亦不保。幸阿哥憐我。勿介介而去也。天賜聞阿哥之名大異之。乃就額駙問所由來。額駙挽天賜之手推之令登騎曰。第歸帳中。吾自能詳告。始末。天賜從之。並騎而行。意中疑信參半。尙恐爲額駙所給。時握刀柄目視額駙。額駙覺之曰。阿哥心尙躊躇乎。吾不早告子。是吾罪也。少頃緬陳崖略。自不難釋。然矣。天賜始不疑。既歸延之上座。再拜而後進曰。本欲抵京。後方明告。今不可復待。然在途中仍祈秘之。此君命也。天賜唯唯。但求速告。額駙又請曰。頃間子殺追者數人。恐從僕有所藉口。子能屈居囚服。以從乎。天賜亦許之。額駙遂言聖駕南巡。居揚州之某鹽商園中。日侍尙衣衾枕拂搔之屬者有婢媼百。

數十人中多雇小家女子暫充斯役者利犒金多而爲時短也往往有已字之女父母涎鹽商厚值背其夫家私入之取其資以嫁視爲終南捷徑亦不爲異是時聖祖駐蹕之所適某氏女充掃除役姿態豔絕聖祖視之頗爲動容召入應對亦稱旨遂令侍寢旣而聞其有夫不欲以攘民婦累聖德乃厚賞而遣歸且密諭鹽商勿聲其女亦恐爲夫家詰責歸而不復告人久之女從父母流徙兗州知有孕父覺之怒而責女女言如此父細人不知皇帝之尊但恐壻家興問罪師卽令產而棄其兒并以所得鹽商家之錦襖裹之置湖濱漁網中而去事亦遂忘之矣及聖祖五次南巡仍駐蹕園中舊地根觸前塵命鹽商必求故劍於是鹽商輾轉訪得某氏女固已嫁而嫠矣無子聖祖挈之返宮卽今某貴嬪是也而時時念錦襖子不可得仍以屬鹽商商就貴嬪語求之於兗州聞王叟拾得錦襖兒卽知阿哥來歷之異願是時阿哥已棄家漫游苦不得蹤跡又越一年始聞錦襖兒卽阿哥遣門客與阿哥游訪得錦襖猶在驗之良是擬招阿哥而告之矣恐遭意外乃遣人馳至京密告之且請今上派欽使蒞驗故吾乃專爲阿哥來鹽商早識阿哥之卽爲錦襖兒密遣門客伴之遊越稽留以待而阿哥不知也今吾將返京陳奏但得面聖卽將封阿哥爲第二十三皇子他日得志幸時時令吾得所廕庇則感戴靡涯矣天賜始恍然悟己身之爲龍種也遂不復有言抵京朝聖祖於毓慶

宮與諸皇子敘齒位次果在二十三皇子既定即日納妃建邸奉母某氏以居時時聞母道故事不忘兖州之湖濱漁叟故挈妃嬪至此假將軍名義率車騎游獵者然實則不忘舊德也

天賜既治王叟廬墓而後數載不復來至康熙季年歲暮之際獨山村人方蜡臘烹羊炰羔斗酒自勞忽徧傳天賜復歸子身作戎裝惘然含風塵憔悴之色且鬢鬣有鬚矣入村長陸叟家陸叟固與王叟有舊且亦最愛天賜者也亟款以酒食問何事輒搖首不答但曰吾當挈眷隱居於此若結茅耕隴無如是山之佳者况本爲吾游釣之鄉乎陸叟等俱以爲京朝有變彼殆閱破塵世歸真返璞以求不辱也遂留之宿其家明日相偕入山相度陰陽觀其流泉買田數頃鳩工築宮室焉出囊中黃金纍纍炫人目村人無少長咸趨之不一月而別成聚落獨山村遂建新市焉無何盜夜入其室欲窺所有則見天賜踞堂中高座左右執戟佩刀者多至數百人一呼百諾狀類王者屏後則粉白黛綠者成陣更番奏樂笙管嗷嘈頃之有赴赴者流往來奏報諦聽之皆某處錢糧若干某處貢獻若干也不覺悚然異之以爲天賜雖已退休而朝廷出納大計仍歸其執掌是必如古人所謂山中之白衣宰相者然其勢炙手可熱慎勿近前丞相噴况敢施其劫奪之手段耶盜方趨起思退瞥見廡下有翹首聽令者如舊相識諦視之果同夥某甲乙也大駭默計此盜也胡爲乎在此執役欲窮

其異乃伏台階下待之久。聽令已畢。二人將下。盜微呼之。二人瞿然驚視。見爲某丙吐舌小語曰。子胡爲來此。豈亦曾經考驗乎。盜丙不解所謂。二人曰。然則子何以至此。盍先言盜丙嘯嘯良久。始曰。吾見彼黃金多。欲分餘潤耳。甲乙爭唾盜丙之面曰。子誠懷懂天下有班門弄斧如子者乎。堂上人實吾輩之真命主。當今盜界第一流人物也。吾輩皆來受命。乞有所派遣。而子乃曰行劫試觀此。執戟隊中有子之插足地乎。子休矣。爲應門小閹當嫌猥瑣不足觀也。盜丙不敢復語。踉蹌遁歸。以語村人。村人皆駭絕。時密探之殊不常。觀天賜行踪有時遇之。則黃冠野服。反與前此囊金來歸時絕不類。又疑盜丙之言藻飾取快人耳。遂置不問。或有入山中巨廈探視者。輒爲閹人所阻。於是天賜之真相益掩蔽。第知爲隱居獨山之深處而已。是時聖祖已崩。世宗嗣位。朝中新政健舉。用法嚴密。稍不慎則誅殛隨之。不事矜憫。各疆臣亦務爲武健嚴酷。搏擊如蒼鷹者。方稱能吏。於是豪強屏氣。劇盜斂迹。未幾大吏忽檄軍府移兵來獨山村中。搜捕盜窟。縱火焚山中第宅。衆以爲天賜必燼於一炬中矣。村中亦大受驚擾。兵士乘機大掠貨貝。婦女捆載以俱。卽不可携去者亦盡爲所蹂躪。老幼婦女淫而後棄之。田禾藉其馬足。雞犬飽其輿僮。村中號泣聲如鼎沸。而官兵猶窮搜不已。謂盜魁未獲。必有一家匿之者。藉口大索。於是穿竇窖發。困倉敲骨剝髓。無餘矣。村民始知天賜

未就擒然抱怨已甚相約如天賜復來當共斃之前此誕慕富貴之熱度一變而爲讐讐之思潮自此村中人皆呼天賜爲大盜爲惡魔并疑其前此之烜赫皆由劫奪而來反無有怨官軍之藉端淫掠者兖州人謂妄自夸大者爲虎以天賜出身魚網中黠者遂贈以美號曰魚虎大王云

魚虎既遭焚巢覆穴之痛獨山村中不復見其蹤迹者二年餘先是官軍搜掠時陸叟子負其父早遁故未及於難僅家產蕩然而已既而父子相繼歸携資甚富轉若於外有所獲者衆詢之支梧不以實告但見貧無衣食者輒周卹之有所求無不應於是村中人告貸靡不集其門陸善人之名大噪然終莫測其財之所由來久之衆中有年事者受陸恩無以爲報各携酒食就陸處爲壽陸謝之衆父老曰吾儕受君惠亦可云生死肉骨矣雖畢生僕膝不足報今區區携酒食至非以酬德也欲藉以結歡且有所質疑耳陸父子不得已進之酒酣父老起問曰君於村中人如賜再生衆莫不父母誦之固不待贅言矣誼不應以私動問顧人心同此天良有德我者必欲深知底蘊此亦不忍漠視之一端也君家故非素封者安得取諸宮中澤及全村乎同人思之不能不爲君設身處地一解此疑問也君弗以爲忤否陸叟聞言慨然而歎曰君之問良獲我心曩所以不告者恐公等見疑而實惠反因以不施也今二年以來出之燕者已登穀里之墟者已比閭衣食漸充室家完聚矣環視

十里內生業之元氣漸復。吾心亦既告慰。卽徵君問吾且將宣布矣。蓋此噓枯濯瘼之功。萬非鄙人父子之力所能及。誠如君言。主其事非他人。卽君輩所常常詛咒之魚亮大王是也。衆皆愕然。半晌父老復進曰。魚亮大王安得有是。公能明證其事乎。陸曰。胡不能魚亮本非大盜。而實嫡派之貴胄也。爲聖祖所鍾愛。命名曰胤祺。前此彼之由揚州入都。礪係實錄。絕無絲毫之欺。給徒以東宮與諸王園牆。疑魚亮有所左右袒。故魚亮憤天家之凌亂禍將及已。始挈眷勇退。欲隱居終老於此間耳。不意今上嗣位。翦除羣季。頗疑魚亮屏居於外。或思有所舉動。而不能相容。故密布偵謀以求之。知其居此托名捕盜以殲之耳。幸魚亮慷慨好結納。能得江湖豪傑之死力。故先有所聞。知遜避於微山湖中之某洲上。凡所蓄積俱密儲於此。及聞官軍以搜刮無取得。遷怒於村中人。致遭蕩析之禍。心大不忍。乃遣人迎吾父子往。畀以厚資。俾爲村人謀。封殖而囑守秘密。非畏村人之責言。恐爲官吏所聞。妨其志事耳。今諸君俱受其忻懽之惠。諒亦無自外生成者。故敢以其底蘊告。幸勿爲外人道可也。於是父老相與太息有泣下者。皆曰。魚亮可罪耶。此後吾儕宜呼爲救命真王。比戶戶祝之不爲過矣。

陸叟又語村父老曰。自魚亮蟄居微山湖中。後聞世祖日殺其兄弟。常北向切齒曰。天苟祚清。必使

吾得當以報。又言：太子胤初之死，亦實世祖爲之。太子爲人雖卞急，而心地真厚，無城府。世祖常以詭譎術鉤距其陰事，因而却制之。太子知爲所賣，則憤悶計無所出。左右進計圖報復，太子又不肯聽。或濡緩如婦人，不忍行而洵洵之詞，色見於外。吾知其必敗，然言之亦終無效。其他若胤禔、胤樞、胤禕、胤禔諸兄弟，各自樹敵，各欲爭代太子之位。聖祖春秋高，方事頤養，不欲開閱牆事。聞之則盛怒。然諸子皆所愛，又不忍加誅罰，遂無所裁決。而世宗等益得志，獨太子曉曉爭辨於帝前，帝益疑太子卒廢殺之。胤禔等與世宗勢不兩立，宮禁中幾成戰場。予乃知禍本已成，不可救藥。方欲請帝賜居遼瀋，守園寢，而世宗之使至矣。云能助之使排胤禔等者，事成必以親王世襲，且贈黃金萬鎰。吾婉詞却之，然知禍必及予。星夜摒擋謀遁，去因挈所愛之妃及貴重器僞言山東某氏簡命出都。蓋予適探是日簡放某氏爲大吏，因冒其名而得出城也。清例宗室諸侯王不得出京，予之此舉苟有失誤，必蹈死罪，可謂危矣。予既得居獨山村中，自以爲與世無爭，當可弭患，而不知乃大招夫已氏之忌。此時徧天下之高官顯宦悉爲胤禔之爪牙，或從龍舊侶，或附驥新班，罔不寄以腹心。托之耳目，有聞必報，纖悉皆知。其有秉心公正，心非暴主之所爲，過當者言未出諸口，而身首已殊。往往夜治官書，頓喪其元。杳然末由問訊，蓋世宗黨羽衆多，恐人背叛，利用酷刑，其特別殺人之器，所謂